

原序

秦安楊先生遺文存者



有一篇預排次爲一卷付劄

劄氏刻之于豫章官舍先生

諱于果字碩亭別自號審岳

以乾隆乙未進士爲湖北知

縣遷通判荊州乞長假歸一
歲卒前未仕時以治經教授
關西預隨侍先君子于官所
因著弟子籍先生誦六經而
求其是考諸史以驗其歸訓
故名物析理類情皆極其至

故無意爲文而其積久以聚
之赴節而出之者汪洋而停
蓄磊砢而懇至有終身于文
所不能至者焉先生生長西
陲聲氣之習無由以通而于
古獨獲累治劇邑皆有聲在

兵間久不得顯擢于此可見
先生之生平而文又其餘事
也嘉慶十有七年十一月受
業宛平陳預謹序



楊碩亭通守審巖詩文集序

秦安楊碩亭進士學術淹通予于邢侗山大令
岳一山舍人處聞甚稔未之見也嘉慶乙丑秋
訪百菊谿制軍于武昌十月杪碩亭來省相見
握手歡然時大雪嚴寒邀碩亭于寓所垂簾圍
爐飲酒縱談三日夜乃知于十三經注疏廿三
史均洽熟能暗誦著有羣經析疑廿一史史概
而其人尤至誠無偽藹然可親信乎爲篤學君
子也前制軍汪稼門吳槐江愛重之別後數年

而君解組回里道光十二年予自江右歸僑寓
青門每于秦州人士問碩亭消息王生聯奎爲
言碩亭沒已十數年著書藏家未曾遺失至今
歲七月十七日王生偕碩亭曾孫繼會來謁竝
出所刻審巖詩文集見示又喜其後嗣之善繼
述也夫以碩亭之學之才王偉人相國欲薦爲
館職而未果在楚北將三十年僅陟通判可謂
蹇偃矣然其時之大府多重其學行而厚遇之
非冷落無知己者可比卒未能推挽以登顯列

且君通達治體又非迂腐寡識不練民事者之
無體用也竟不得貴仕垂老而歸亦可以見君
之不援上也有如此者佺山又爲予言君於天
文麻算靡不孳究今文內無一語及之是其所
作必多散逸可惜也已碩亭集後附其子介石
詩文集質有其文可不謂善承家學者與道光
二十四年七月二十一日武威張澍序

審巖詩集目錄

秦安楊于果碩亭氏著

孫敦基樸山 收藏
曾孫繼會復齋編輯

一卷

五言古

晨起苦寒感懷

留別蘭圃先生

留別漱圃老人

贈別傅千之

贈別欽築岩先生

別任可亭

贈別顏先生

送陳立凡通家入都二首

示學生姚光閻

漢中道署柬郭紫超

醉中口號

九月念四日偕諸子遊畫卦臺宿張茂才家二首

早發馬營山

秦州吏目陸先生輓詩

擬古

七言古

三月三日與陳觀察郭太守郭明府阿副戎李都闡江

上公讌

奉和雁隅夫子階州道中元韻

玉泉觀謁李杜二公祠

雙節詩送汪龍莊之任宜遠

五言律

階州試院恭別雁隅夫子四首

春遊憶胡先生

憶家

懷宜夏楊瀛滋同年

西安逢成秀才曜岷

年三十四歲見白鬚悵然有感三首

閒情

冬日遺興二首

秋日漫成

散步

咸陽道中

漫興

七言律

隴頭流水四首

通渭道中

二月初三日往會寧

清明前一日出郊

枝陽書院作

寄內

種星書屋上陳觀察二首

戊戌新春二首

闡中作

再入闡和前韵呈閱卷諸公

贈孫年姪周愛

送張先生歸鎮江

送于蘭圃先生南歸四首

送教諭胡先生赴高臺五首

秋夜有懷靜菴先生二首

謁諸葛武侯韓魏公祠二首

五言絕句

題畫

送人

七言絕句

秋日閒咏四絕效白傅體

漫興

秋海棠二絕

題陳明府松桂讀書堂四首

范東川園林四首

長安客舍

清明

秦州北城寺送申明府作

送學生姚光閻

夢中得句送戴衢山先生出塞

長陽竹枝詞四章

悼亾詩附

秋夜

絕句十首

五言律四首

四絕句寄呈胡先生

將往秦州

秦州作

蒲氏書齋

是歲八月予以高等食餼卽事口號遂成四韻

秦州呈藩大胡二

秦州柬蒲子仰霑

絕句二首

浪淘沙

寓蒲子仰霑家

十月初四夜

憶舊

冬日

十二月十五日述懷

示內詩

代內寄遠

番巖詩集卷一

秦安楊于果碩亭氏著

孫敦基樸山 收藏

曾孫繼曾復齋編輯

先曾詩稿多散軼今所存者 先曾手鈔之數策也繼曾

排次為一卷付諸梓人後以悼亾詩附焉

晨起苦寒感懷

嚴霜下庭蕪晚蔬萎綠疇晨起傍砌行朔風吹颼颼笥中
禦寒物亦有敝羊裘念我同胞兄悵然增百憂饑馱投異
縣飄泊入會州謂大兄伯亭薄宦不得意白髮已滿頭不知邊
塞上可曾裝綿不復有何幼道謂五兄苦節誰與儔寔令填

溝壑詎肯謁五侯出門無長裾寢無衾與裯諸兄俱貧蹇
栖皇各有求不共風雨牀安忍爲身謀嗷嗷天際雁蕭蕭
荆樹秋一爲苦寒行清淚交頤流

留別蘭圃先生

歎息復歎息臨別意遲遲人生重意氣况乃新相知昔年
聞君名夢寐或見之銀州一遇君邂逅成睽離及與君定
交私心慰調饑君貌清且癯蕭疎歲寒姿君文饒理趣緒
若繭抽絲共作藏鈎戲同賦險韵詩筵開青玉案酒覆白雪
卮歡會時未幾河梁遽有期朔風吹大野晨馬嘶路岐感
君遇我厚使我心傷悲欲吟古離別拂鬱不成詞

留別漱圃老人

我愛陸士龍寬綽如衛武贈我將歸詩軒軒而霞舉伊昔
初相揖馨折何偃僂謂君禮法士使我神已沮處處數月
間投契情畢吐君能作秦聲我亦解吳語聯吟兼笑謔忘
形到爾汝一旦當離別臨行且延佇爲君陳一言念舊當
聽取我有烟霞癖夢遊到南土頗知西子湖名勝第一數
柳絮颺青絲桃花飛紅雨他日杖策遊乞君作地主

贈別傅千之

人言阿龍超阿龍固自超孤性不可馴瘦骨聳清標譬彼
九秋菊衝寒氣益驕努力當自愛望子如斗杓

贈別欽築岩先生

先生靜者流漠然無所親端居玩詩史冲穆得其真長苦

相如病見我儼若賓他日隴山畔結情懷伊人

別任可亭

閒吟桃李句知子工詩者美玉無瑕疵清文復瀟灑芳草
怨王孫白雲思親舍感我賦將歸延頸望平野

贈別顏

公本丈人行視我猶儕輩達如謝幼輿嘯咏仍不廢征車
下漢川斑駁歸秦塞乞取一言別贈以秋蘭佩

送陳立凡通家人都二首

了了阿戎語便便邊韶腹講授經三載西東共一屋交久
彌新會遠別何促燕塞雲茫茫棧道山簇簇鹿豕豈久
雲龍邗可逐祇今同吟月明夜照幽獨

往歲金城郡我歸子送行今當與子別知子送我情行人
念道路離思若爲輕居者恆岑寂苦欲憶平生平生不可
憶刻楮竟未成好去從先達經營當代名

示學生姚光閻

高齋蔭嘉木終日撫瑤琴以茲暘懷抱粗可滌塵襟文章
本小技不足事研尋而翁志乃爾何可廢披吟日昨一相
晤爲我涕泫泫千里走隴坂十年彈劍鐔生兒不解事悔
不學向禽所嗟爲人子不思慰親心忍令鶴髮翁長此百
憂侵微雨過前除元蟬號疎林節序不相貸蒼茫歲月深
感此勞寤寐贈子以好音勿耽賀若趣宜作劉峻淫聊書
百餘字當爲藥石箴

漢中道署東郭紫超

紫超工畫

白水漢南郡紅蕖王儉幕夙有孌伯稱蕭然自寄託詩如
貧士衣終年偶一作睡如素心友相尋不用約况復小院
東結構殊不惡淺深分溝塍欹斜布籬落紫茄與紅蓼秋
暮粲成列時攜一壺酒避人自斟酌不是愛孤高此生本
落寞寄言顧長康畫我置邱壑

醉中口號

三日不飲酒形神不相親風流王佛大妙語天見真三日
不讀書語言乃無味雅愛黃庭堅夙好亦足貴我有麴蘖
癖亦復耽詩書綠沈盈千軸濁酒滿百壺左手持螯螯案
披譜與圖不覺成酩酊陶然古爲徒

九月念四日偕諸子遊畫卦臺宿張茂才家二首

綠野開平疇河水流潏潏孤峰特地出四山雙相向桑徑
傳舊文義畫畱遺象于野偕同人前趾占大壯復值清秋
節郊原多清曠我本澹蕩人結契慕禽尚簪組不掛身安知
非天放隨意坐莓苔如在羲皇上
剔蘚讀遺碑登高眺平楚山風吹衣裾飄若雙蝶舞暮色
隱遠峰寒烟生極浦却循故道歸草露濕芒屨下有張仲
蔚蓬蒿翳環堵平昔不相覲欣然作地主肴菽羅前楹餅
餌滿具藪對此淳朴俗穆然念邃古

早發馬營山

暮宿山之麓早行山之椒陵谷莽牢落山樹鬱騷騷行行

未半舍陰雲蔽長宵疾風殷地來萬竅爭怒號雪花大如
掌亂落隨寒飈維時日在奎所擬凍全消天意詎可測春
和變虐鑿我馬行蹣跚我僕氣鬱陶謂我公無行前途正
迢迢手足已皴痂毋乃太苦勞下馬入邨舍溫如飲醇醪
一叟髮似雪圍爐守松寮知我客情惡危言慰無聊自念
貧寒士早歲志孤高一自墮塵網何曾解征袍手兔園冊
腰壓路徑刀馳驅風塵際顏色坐此凋多謝山中人我輩
愧汝曹

秦州吏目陸先生

百粵連海漕三江渺天涯河山劃兩戒冠蓋集邊陲君作
漢陽吏余栖渭水湄握手成一笑情投兩不岐共書金蘭

譜同醉葡萄卮佳辰每小會清譚數追隨伯言才超古子
靜理無疑日昨開綺席蘭階雨正滋聯翩雪衣籠汗漫拂
鳩詩敢謂凌壺嶠或可登期頤安知旬日內遽盡百年期
我竟同劉毅君似庾說之以今方往事如君較堪悲昔人
稱代謝君今是死離晨起踐君堂徙倚欲向誰井幹飄梧
葉嚴風啟薄帷具是同行處何地不愁思采蘋薦靈筵爲
君踞瞰詞天道有變易人生固如斯以君勤且慎魂歸名
不摧卜兆有道阡流傳朱邑祠清芬遺茲土軼行詔來茲
千秋萬代後花明雁飛時年年隴塞外風雨迎靈旗

擬古

曖曖山頭雲鬱鬱天邊樹春來日日生遮斷東歸路鄉思如楊

花因風輒飛去

七言古

三月三日與陳觀察郭太守郭明府阿副戎李都閫
江上公讌

四山合沓如壑曰江水屈曲出峽口山水亦須好風日正
是郊原新晴後漢南令尹美且偲肆筵江上名賓友座中
鳴玉足官府相如未至居客右江波凝碧蹙魚鱗靜如拂
拭無纖垢何處虛牝來清風夾岸桃花雜楊柳行厨傍澳
供豐饌別船蕩槩進美酒睽矚紫獺啣魚出和以薑桂芼
以葑我家遠在隴山曲河水一石泥五斗春到上巳猶苦
寒萬山濯濯禿如叟對此真如篋刮目縱飲不妨狐濡首
山光漸暮水漸明燈火滿船野雲厚歸來不復憶同人醉

臥那能辦跟肘明日自恠衣裾濕問人昨夜夜雨否人

奉和雁隅夫子階州道中元韵

子月大寒驚靈龜凜冽雪意鶴先知用子山小園賦語須臾飄灑

滿巖壑陰風謾謾相和吹梁園詞客工作賦馬上吟哦撚

微髭愧子殊少濟勝具况臨絕崖江聲嘶大石律宰高轟

天狹道詰曲滑且危徐行不敢爭馳驟慎持銜勒控青絲

王陽迴車九折坂畏途躑躅欲何為遊子行踪渾難定手

足凍皴強撐持向夜下馬抵客舍摩挲金粟生寒饑唯乞

剪紙招我魂詎有新歌付雪兒因憶往歲修竹園恰值而

今雪落時已丑歲有大雪與友人小飲和韵詩磁餅滿盛南燭酒金鈎高懸

碧紗幃神仙中人王孝伯翩翩雅度瓊樹姿分曹射覆聲

喧脛縱飲高歌與淋漓靈虬漏滴始分歸琅玕低壓橫堦

墀凌晨賦詩鬪清妍葩分藻列紛離披一日樂府奏驪歌

燕隴關塞苦奔馳去歲栖遲朔方郡綠水紅蓮載吟卮今

年乃復作此役鱸堂絳帳相追隨扁舟欲訪戴安道馬曹

終阻王徽之

玉泉觀謁李杜二公祠分韵得碎字

昔予曾讀草堂詩萬丈光燄今猶在讀詩想見公為人况

有遺像畱荒塞天下才人可比數文采風流昭宇內三百

而後推屈宋芙蓉為衣蘭為佩建安諸子爭馳驟六朝淫

哇矜粉黛二公獨起振風騷過絕時流摩羣輩雄才直擬

萬斛源浩歌欲令千人廢江雲渭樹久相思金薤琳琅堪

作配我來拜謁空階下泉聲冷冷歷千載歸來還復誦公
詩慷慨擊節壺欲碎

雙節詩送汪龍莊之任宜遠

晝勤鍼帶宵擲梭晝荻編蒲小兒哦園客縑絲五色蛾悲聲彈出
黃鵠歌孤兒含悽念蓼莪念載生計苦蹉跎而今米較負
時多欲養無從奈親何木葉蕭蕭洞庭波九疑山色堆青
螺江上斑竹感二娥應添吟卷付馬駝來詩有馬駝吟南
卷出層闈之句

行到永春始和勞心撫字紆催科

聖朝寬政古無過莫效柳州說捕蛇

叶

宜不聞雋母喜平

反平反益多色益溫兩母淑德清且敦不獨勁節人所尊
養雖不逮言猶存循職卽是酬親恩感君遇我如弟昆用

持布鼓過雷門

五言律

階州試院恭別雁隅夫子 四首

當筵不成笑 師謂予有笑癖 對酒唱驪歌 解道壯遊好 其如親老

何譚經揮玉麈射覆照銅荷 未識絳紗帳 幾時還再過

往歲燕臺道 絕裾事遠遊 歸來廬堊室 感逝哭山邱 已積

彌天恨 永無埋地憂 傷心可憐子 復有稻梁謀 辛卯歲予歸自京師

即丁內艱

河水流窮塞 蘭山入翠微 久依王儉幕 誤却老萊衣 對景

長傷別 經年始賦歸 那堪歲欲暮 又作雁南飛 壬辰授徒平羅縣署

中

顧盼恩何厚 臨岐意更親 星軺辭隴坂 雲棧接西秦 遠道

無思我多情最損人烟花三月好期共五陵春

春遊憶胡先生

春色滿天地春遊傍水壩長堤柳三起平野草千眠流宕
悲詞客衰殘入酒泉風光不相賞底事戀寒氈

憶家

使我忘親易使親忘我難深情漆園吏片語摧人肝久客
身還健殊鄉歲欲闌不曾逢驛使誰為報平安

懷宣夏楊瀛滋同年

吾家楊子幼溷迹在人間痛飲惟埋照高談亦閉關風吹
光祿塞月照賀蘭山五載音書絕何由覩醉顏

西安逢成秀才曜岷

久作殊鄉客飄零歲月賒冥令還有子曜岷有子長楚乃出繼乃兄無家冒席分鷺炙憑誰賦雪車那堪清鏡裏種種髮先華

年三十四歲見白鬚悵然有感 三首

自是蒲柳質兼之多病軀如何青鏡裏已見白髭鬚騎省
悲蓬鬢將軍擊唾壺那能無一事坐待歲華徂

挾策還流宕生涯尚卜居十年空仰屋一字未成書月影
連心白雲痕到眼虛秋來自珍重聊復厚衣裯

小來讀書史壯歲走風塵淺學腹負我無官頭責人惟餘
沈攸恨不解阮公貧已識窮通理儒冠詎誤身

閒情

潛居久不出終日坐支頤紙閣懸蛛網餅花落硯池興來

卷一
拂塵几自起理絲琴一鼓松風曲閒情欲寄誰

冬日遺興 二首

巖風吹翠幙晚景上窗紗酒泛鷺兒色雪飛梔子花間情
工覓句客緒畏思家不去登高望誰知道路賒
一任詩情減還宜酒興狂名爲天所忌貧亦士之常靜譜
龍唇曲閑烹蠹眼湯隨時聊自適何事用心長

秋日漫成

步屨草萋萋山雲覆院低空庭秋落葉積雨午鳴鷄跡有
畱鴻爪心真厭馬蹄交親十年內一一到金閨

散步

行藥步城塙寒郊秋正妍孤邨衰柳岸野水夕陽天暮鳥

歸深樹居人刈旱田悠悠故鄉思不覺到吟邊

咸陽道中

出郭門遙眎悠悠白日斜何時降寒露古道已秋花風偃
五陵樹河流八月槎勞人緣底事長此客天涯

漫興

時在漢興道署

步屨朝行藥閒餘傍水亭疎籬浮菜甲小雨課園丁竹隱
壁光白池沈天色青官衙得野趣亦屬未曾經

七言律

隴頭流水

漸漸流水暗驚魂隴坂西來望塞門莫向遊人照華髮好
憑歸信寄啼痕微波澹蕩桃花岸細雨輕揚菰米邨到此
偏饒嗚咽恨家山風景不堪論

亂石巉巖帶曉霜犇流迅激類瞿塘愁看落葉飛空谷誰
寄寒衣到客箱埜唱惟傳塞上曲清歌欲和汝南王涓涓

縱有芹芽茁不是青泥舊坂坊

流水涓涓芹芽見酉陽雜俎

新傳麗句織弓衣往事風流近已非泛梗徒增鴻爪思飄

桐無耐鴈書稀玉關明月連沙白銅柱輕鷺墮水飛等是

別離傷遠道故園松菊莫相違

隴樹秦雲盡可憐
分流四注下寒烟
偏依倦客聲幽咽
似解多情恨縹緲
坐對清波思帝子
長將遊水惜華年
江湖有信殊難比
匹馬踟躕落照邊

通渭道中

塞上層陰慘不開
數聲羌管雁新回
羣山簇簇連雲沒
野樹蕭蕭出峽來
何處重尋遂初賦
幾時方築讀書臺
平生未善人間事
罷馬吟詩好自裁

二月初三日往會寧

春風匹馬背孤城
帽影鞭絲又此行
筋力已慚黃犢健
腳踪渾似白鷗輕
衝寒峻嶺高無上
欲解嚴冰下有聲
髀肉銷殘服底事
自傷要經不勝情

清明前一日出郊

枝陽城外徧新苔
偶憩郊原眼暫開
古木盤雲倚山遠
南風吹雨逼人來
驚心饒有江淹恨
作賦愧無王粲才
明日清明尙流宕
松楸滿地感余哀

枝陽書院作

北辭

帝闕臥林邱二載
栖遲古會州
敢信前途爲老馬
聊占大畜牯童牛
五經永謝邊韶腹
一帖常如子羽頭
感愧諸生珍重意
散人何自附名流

寄內

關塞勞勞少定居
田園生事近何如
長貧未覺春風好
遠

別應憐夜月虛四壁蕭條存老屋十年濡沫感窮魚人間
詎有閑男女績紡煩卿我授書

種星書屋上陳觀察二首

三十安仁髻欲斑塵氛雅興兩除刪詩思澁似寒竿廢立
處慵如野鶴閒鎮日啣盃隨北海有時拄笏看西山此中
洞空本無物不是劉伶工閉關

別苑清幽着小亭更無餘物溷軒櫺盆池細雨看魚出籬
角疎風引蔓青豈有楊雄真識字何曾伏勝解傳經白榆
歷歷垂繁蔭愛此嘉名號種星

戊戌新春二首

融融春色遍荒陲塞外塵清柳放絲閨苑新來青雀使殊

方遠獻白狼詩人間已作贅牙叟天下宜無利齒兒擬卜
林塘成小隱未能輕棄

聖明時

何處烟霄白玉京卿雲糾縵泰階平詞臣入講

金華殿上將銘功碎葉城白日蕭條生事薄空山寂寞壯
心驚無才不與簫韶奏暫作齊民擊壤聲

闡中作

數卷殘書敝篋中寒竿久廢此心同歌如白雪應無誤巧
索元珠恐未工醇酒飲人傾雅度虛堂容我坐春風釣鼇
巨手惟龍伯不敢投竿大海東

再入闡和前韵呈閱卷諸公

與君相對一簾中文藻親時臭味同攻木詎嫌齊匠拙鬻
珠還笑楚人工花緣傍席爭開蕊燭爲當窗錯恨風是最
月光明比晝夜深偏照桂堂東

贈孫年姪周愛

生兒古有孫征虜此子殊佳亦可人不獨詞華工結撰會
看書翰妙通神卿雲正值光華且好鳥宜鳴上苑春努力
少年須自愛莫教老大始悲辛

送張先生歸鎮江

青山一髮望江南翠色蒼茫帶曉嵐細雨布帆歸遠客秋
風階次種宜男園中松菊荒猶未案上琴書好自探聞道
鷗樓今尙在應壙斗酒醉雙柑

送于蘭圃先生南歸四首

無端相聚又分襟一曲陽關百感侵馬上征衫遊子淚天
涯尊酒故人心雲迷隴塞沙塵濶路入江邨烟水深別後
重逢總無據爲君試撫伯牙琴

金沙江畔掩柴扉恰值秋風鱖正肥子舍間唵采蘭句絲
竿遠上釣魚磯馬卿遊宦成何事蘇季還家莫畏譏白髮
衰親倚門望何曾定要錦衣歸

美人芳草怨如何一種深情托芰荷到處爭傳日華賦清
秋宜聽鹿鳴歌廿年踪跡同漂梗百歲流光等爛柯贈別
宜思繞朝策莫將日月再蹉跎

江上烟花隴外天不須傷別恨纏綿飄零作客非佳計聚

散於人亦偶然露氣暗侵寒入夜車塵遠蔽熱無邊長途
事事宜珍重蘭圃性孤介每以途次喧闐爭道爲苦努力加餐安穩眠

送教諭胡先生赴高臺五首

寥天渺渺柳絲絲短翼差池怨別離薄宦蕭然如遠客先
生老矣更何之鷄聲隔樹啼殘月驛路臨風蕩晚旗重過
五原沙漠地可能無憶壯遊時
九曲風濤漾晚波傷心樂府唱驪歌期君且住爲佳耳攬
轡將行奈我何幾處荒營鎖秋草頻年將士老交河文章
別後須珍重莫道邊民白骨多

架上牙籤萬軸齊傾囊倒篋辱攜提疎才自分爲遼豕清
誨何須寶魯鷄只恐衰年常苦病不堪遠道更征西龍沙

萬里邊城路一葉秋風送馬蹄

藝苑騰芳四十年垂垂老去帳寒氊三鱸况味成家世萬
里風情隔遠天蘆管晴吹女垣月秋河低壓戍樓烟應知
塞上添新咏載筆題襟過酒泉

江郎何處最銷魂

帶雨痕惜別我傷南浦水忌

憂誰樹北堂萱芳堤曲岸春山道落日微風綠柳村俱是
平生攜手地空畱青草怨王孫

秋夜有懷靜菴先生二首

草根涼露滴初驚靜掩房櫳颺箔旌一曲驪歌人萬里半
輪蟾影月三更微風欲度竹先覺古樹將秋葉有聲曾憶
往時清話後深宵歸去漏丁丁

小苑涼生四壁虫欄千倚遍轉無踪紫塞別來空夜月黃
昏坐後更疎鐘人世不妨爲鹿豕天涯何處逐雲龍新秋
便有南飛鴈悵望祈連幾萬重

謁諸葛武侯韓魏公祠

金碧遺祠渺翠微行人下馬拂塵衣兩朝功業孰賓主千

載史論空是非漠漠壘雲隨野聚輕輕堤柳作花飛秦州有諸

葛壘韓公堤遺踪望處堪惆悵坐對靈旗未忍歸

上將經營存北伐書生籌策解征西功名空抱降王恨兵
畧直與小范齊自爾聲華相伯仲不妨世代各雲泥平生
好事惟懷古獨立蒼岩日已低

五言絕句

題畫

碧澗瀉寒溜尋源坐水隈清音自然足何必抱琴來

送人

野路青青柳青青映綠苔攀條不忍別却悔送君來

...

七言絕句

秋日閒咏四絕句效白傅體

暮煙炊烟飛不高
薄寒風景稱吾曹
黃昏獨坐蕭蕭雨
隔院何人讀楚騷


早秋三五雨初回
簾捲深宵月未來
人與清光有何異
空庭久立待雲開

塵氛不到讀書樓
簇簇名花繞砌稠
不是愛花栽滿院
花開花落識春秋

為憐叢菊學吟詩
盡日撚鬚傍竹籬
投筆幡然成一笑
看花何事費心思

漫興

香齋詩集 卷一 七言絕句



P11

綠竹檀欒萬木陰晴牕日午坐彈琴當階不見菊花藥忘却人間秋已深

秋海棠二絕

雨浥簾旌素葦涼寒風蕭瑟漏初長朝來獨臥慵不起新貯膽瓶秋海棠

碧葉青莖淺淺粧豔姿傾國不須香無端苦憶十年事人在院東窺短墻

題陳明府松桂讀書堂圖

四首

綠雲空翠覆前楹綽約雙童侍立清特寫青松知有意可會心念五公城

桂散清香暫閉關虛堂懸鏡有餘閒秋風搖落聞招隱擬

世何曾半日閒

送學生姚光閔

匹馬征衫遊子吟別筵樽酒對瑤琴臨行莫奏陽關疊彈出離聲恨不禁

夢中得句送戴衢山先生出塞

衢山不知何人且云詩中用馬泝事當爲

易之予謂勝間顯遠矣夢中嚙語都不解所謂

龍沙何處古陽關白髮如霜鬢影斑愁裏不堪聽塞笛夕陽山外又青山

長陽竹枝詞四章

金坪山色寶尖西細雨初過踏草泥惟得獨兒通夜吠朝來虎跡滿前溪

華妝也只布衣裳
汲水樵薪却勝郎
可惜桑陰綠滿地
春殘不祭馬頭孃
素裝玉米束腰間
年少莫愁行路艱
容易耶孃都健飯
大家須要賽涼山
六月炎天夜讀書
燒殘燈火四更初
年年散館纔冬至
閒却長宵負歲餘

悼亾詩附

悼亾集序

丁亥後七月起十二月止

內人張氏沒於七月二十九日嗚乎始兆炊臼終傷
別鳳匣封殘黛月映流黃鷺影屏風牀空鄂君之被
鴈行絃柱甲冷想夫之箏蓋情之所鍾正在我輩故
貌雖不鵬實喪吾妻睹物思人撫景慘目鬱諸懷抱
發為歌詩亦知甌已破矣顧之何益而簪之失也意
殊未忘哀而集之共為一冊不惟心血所在亦志思
愛之情云爾

秋夜

六曲屏風映月明
高窗不掩暗魂驚
西風吹斷蜀山夢

夜秋園落葉聲

七月望四夜作此詩詞意悽惋十五日內人果沒故以之冠首

絕句十首

長憐翡翠集蘭苔雨冷秦臺斷玉簫荳蔻梢頭深夜月獨

含愁影照冰綃而兼之共為一冊不血恨春衣志思

桃笙象簟竟牀空五夜鵲啼血淚紅千古斷腸荀奉倩枉

將霜葉怨秋風實與香妻相感思人無景斜日等語對

綺寮初日抱紅輪况是茂陵多病身獨臥憑誰喚春草楊

婢名茶鑰藥臼倍愁人內人嫁時隨一婢既沒空得

小苑寒蛩玉漏深香銷金縷夜沈沈阿誰傳語九娘子萬

里稠桑不可尋

疎簾風雨破窗基夜半寒缸獨自親一事傷心勝潘岳曾

無遺挂可憐人內人富家女妝奩頗豐既沒之

銅鋪曲戍間明璫綺帳會憐倒暈粧今日蕭條唯盡篋私

心珍重嫁時裝內人沒後惟存一匣

白楊別屋路遲遲踏野長歌薤露詞從此年年三月雨梨

花飛雪斷腸時內人于十月四日葬北川梨園中

深深埋玉恨如何粉瘦朱顏痛綺羅長憶小敷山下夢沈

郎那得再經過

水榭山房渺翠微芳園碧沼曳蓮衣明年陌上花飛處更

遣何人緩緩歸舅氏有名園在北川今年五月內內

寶篆烟沈夜月孤金波蕩漾映流蘇空房永閉葳蕤鎖獨

泣鮫盤萬顆珠

五言律四首

烟銷金鏤香銀漢，沒紅墻望斷青溪女。愁生白石郎，鮫綃
 翳薄霧，鴛瓦冷朝霜。記得紗窗曉，曾梳鬪掃粧。
 幾載牛衣泣，心酸子夜歌。憐卿惟在德，哭我更無它。賃廡
 貧亦甚，子以乾隆癸未畢婚便寄居伯兄室中挽車勞自多。薄情荀奉倩，好
 色欲如何。
 虞淵收返照，暝色起新愁。戶掩難為夜，衾寒不待秋。銀牀
 閒落葉，玉漏數更籌。環珮聲何杳，魂飛十二樓。三尺雨柴
 玉局敗猶在，龍脣塵暗生。內人解琴亦能手談常年與不淺，觸處盡
 關情。卜葬悲長夜，含愁向短檠。鴛鴦七十二，相看淚縱橫。

四絕句寄呈胡先生

寂寞茵幬張故房，錦衾無復帶檀郎。每於中夜攬衣起，不
 待當關報曉霜。先生去歲戲贈以詩有繡被帶檀郎之句故次句云云
 清秋沙漠塞垣深，珍重瑤函萬里心。一自焦桐操別鳳，豈
 香拋棄愧知音。

架上塵封綠綺琴，笥中空負白頭吟。相如既典鸕鷀後，並
 少文君取酒金。

才藻久推楊大年，夫君為我貺瑤編。而今總帳仍蕭索，不
 忍重唸錦瑟篇。潼關楊子安以詩鳴世界從胡先生索其作而未得去歲五月惠我悼內詩百首今年七月內人卒

將往秦州時妻極猶在室

初日動晨光，遊子泣路岐。攬轡不肯發，回首更噉詞。昔我

初悼亡抱影處空幃死生雖異理魂夢尙相依今我事遠
征百里更差池舉室無所親汝欲倚阿誰又聞延陵語魂
則無不之逐我西南行晨夕相追隨不然守故處無爲輕
遠離寒風吹汝去飄飄無返期藁砧今日別不久當自歸

秦州作

雲影亂天浮蒼茫暮色愁那堪悼亡後復作異鄉秋雨過
風驚竹鴈迴人倚樓芳魂竟何處不解憶靈修

蒲氏書齋

盡日淹留坐疎籬帶晚暉秋風雙蛺蝶時遶野畦飛
是歲八月予以高等食餼卽事口號遂成四韻

晚來寒氣逼人愁并畔孤桐木葉秋座上漫矜鸚鵡賦宗

師招考古學以予冠首客中還典驕驕裘誰家錦字初成匹幾處鴛
衾早侍樓獨惜幽閨深夜後無人金鏡望刀頭

秦州呈潘大

鳳聲胡二鎬

殊鄉風景異歸思尙淹留客館三更雨孤城萬樹秋鳳欽
憐薄命玉駟悔長遊漫沒禰衡刺非君奚所投

秦州柬蒲子仰霑

旬月不出戶在家亦轉蓬况今寄人國飄若雲乘風朝遊
南陌上暮歸明月中孤身無倚着意西而更東昨夜涼飈
發始覺秋已深寒衣無人寄悽然傷我心飽聞南郭寺勝
迹自古今林巒紛峭倩雲樹奔蕭森明朝攜美酒將子醉

高吟

絕句二首

風竹夜淒淒茅檐落月低夢魂才斷處愁向汝南鷄
霜氣亂朝暉秋深客未歸那堪極目處還見雉羣飛

浪淘沙

銀漢夜迢迢斗轉寒杓珠簾月映憶嬌嬈臥聽銅壺殘漏
咽况是長宵獨起卷冰綃燭影紅搖金鷺光動暗魂銷
一夜西風吹小苑夢也無聊

寓蒲子仰露家

秋寒一鴈飛日暮欲何依知有故鄉在傷心未忍歸

十月初四夜

新月入簾初空房更索居荒郊誰伴子獨夜正愁予暗墮

盤中淚常看鑰上魚臥來本無睡引燭強攤書

憶舊

眉作遠山橫琴彈大蟹行生防寵偏至死覺愛猶輕石黛
留青子湘絃絕曼聲長宵獨眠處愁見篆烟清

冬日

秋風悼亾後靡日不含情一枕空憐我三餐更累兄寒宵
初月細孤岫晚霞明腸斷黃昏思飄飄何處行

十二月十五日述懷

子以七月悼內九月便聘何氏

人虛杖之制殆有愧焉然僕將以明日畢姻方之古
諸兄之間薪白之勞衰親半可其任僕縱無狀亦
人子耳豈以所小嫌負此大咎哉惟是念
舊之情有所未忘綴此長歌以據愁思

玉戶綴珠簾華屋耀朝曦昔人今不見無路寄相思記得

初奠雁御輪而授綬作婦更三歲中饋無愆儀我似劉公
榮何地不相宜遇可淹留處竟日不曾歸朔雪千壺酒落
葉一局棋涼風吹玉漏夜半歸每遲月明卿倚戶詢我奚
所之知汝性頗妒故作虛誕詞云自青樓醉桃葉與柳枝
左右苦相畱心憐不忍辭卿卿聞之怒勃谿更相嗤昨歲
秋風發欲向蘭山陸卿來牽我裙如何輕別離金城佳麗
地美女冶容姿明粧耀墮馬新月入修眉恐君今日別去
去無返期衰親髮如鶴君行欲何爲我感卿言是斷轡處
庭幃閒吟紅葉句共敦白華詩豈意朝露至竟使秋蘭摧
皎皎誰家子明朝入舊幃今年春風暖卿網窗上絲明年
春風至窗前復是誰新人不如故憐卿無已時

示內詩附

結髮爲夫婦劉盧况世親作人不在貌努力以安貧麤糲
中廚飯菁蔥南澗蘋差堪嗣業何事更悲辛
短屋三間足容膝荒田半頃未全貧卿卿解讀梁鴻傳我
比此公猶富人

代內寄遠

星沈海底夜初闌靜掩重門有幾關寄語彭郎嗚咽水朝
來望斷小姑山

初奠雁御輪而授綬作婦更三歲中饋無愆儀我似劉公
榮何地不相宜遇可淹留處竟日不曾歸朔雪千壺酒落
葉一局棋涼風吹玉漏夜半歸每遲月明卿倚戶詢我奚
所之知汝性頗妒故作虛誕詞云自青樓醉桃葉與柳枝
左右苦相畱心憐不忍辭卿卿聞之怒勃谿更相嗤昨歲
秋風發欲向蘭山陸卿來牽我裙如何輕別離金城佳麗
地美女冶容姿明粧耀墮馬新月入修眉恐君今日別去
去無返期衰親髮如鶴君行欲何爲我感卿言是斷轡處
庭幃閒吟紅葉句共敦白華詩豈意朝露至竟使秋蘭摧
皎皎誰家子明朝入舊幃今年春風暖卿網窗上絲明年
春風至窗前復是誰新人不如故憐卿無已時

示內詩附

結髮爲夫婦劉盧况世親作人不在貌努力以安貧麤糲
中廚飯菁葱南澗蘋差堪嗣先業何事更悲辛
短屋三間足容膝荒田半頃未全貧卿卿解讀梁鴻傳我
比此公猶富人

代內寄遠

星沈海底夜初闌靜掩重門有幾關寄語彭郎嗚咽水朝
來望斷小姑山

鶴皋詩鈔目錄

秦安楊于棠伯亭氏著

再縱會孫繼會復齋輯編

附

誌喜詩 并序

畱別書院肄業諸生

九日陪宗翁先生登輔山

次宗翁原韻

宗翁先生見示新詩二章即次原韻奉答

秋湄見寄新詩一軸兼示短札勉成一律奉答

示門人李六秀才

憶西固翠峯五首

次清化壁上韻

枝陽客舍重逢郭四靜升

修武道中

鶴皋詩鈔附終

鶴皋詩鈔附

秦安楊于棠伯亭氏著

再從曾孫繼會復齋輯編

學署舊植文杏數本歷年無花空有綠葉扶疎歲之
戊申適值大比之年徧樹開放爛熳映階蓋十餘年
所未有也首率濟川門人治具招飲以枝頭更有狀
元紅句分韻賦詩諸生各有佳篇爰不揣謏陋倣古
率賦並次七韻聊以誌喜體裁俗里固不足論

邊城苦寒春光遲朔風撲面三月時數番踏春春將歸沙

堤高柳未垂絲况復冷署本清涼安得日暖萬年枝

舊句

慚愧諸生從余遊未採芳蘭向汀洲門墻文杏三五株根
老枝秃幾經秋空餘綠葉覆蔓草從無紅藥賽若榴泮林

鶴皋詩鈔

附

非能園

豈乏鳴鶉集懶送好音到枝頭底事今春人同慶滿樹芳
姿何穠盛冰羅蕭疎絳綃襯化工有意巧妝靚朝含露華
濕碎錦晚搖風鬟亦娉娉霏綬疊繡異凡葩墨花筆彩爭
輝映舌上青蓮夢中發此花風流堪相競去歲蕭索今春
開今春爛熳明春更一盛再盛還須久但願年年酌春酒
杏林佳燕兆諸君蟾宮折桂我何有漫道老益壯枯楊詎
能暘對花羞白髮撫躬眞無狀今朝同醉杏花園與君載
笑且載言自古看竹賞菊有高士當知萬物資始在乾元
乾元桃李醉東風錦繡春光滿泮宮人生歡會誠難再又
是春光不易逢嘆余猶如伏櫪馬諸君盡似龍門桐待得
明春看花日瑪瑙盤中餅賜紅

留別書院肄業諸生

六載螢窗對典墳遙征七日悵離羣賦歸豈效陶元亮善
教常慚鄭廣文幸有名賢開絳帳孝廉閔先生學問淵况
博時爲書院掌院况
看吉士步青雲惟期努力勤編簡繫馬何勞意氣殷

其二

冷署燈殘曉寺鐘平明策蹇向雲峯冰凝碧水紅橋斷雪
擁黃沙驛路封不畏長途勞跋涉永懷多士善陶鎔重來
晤對知何日落月鱸堂夢裏逢

九日陪宗翁先生登輔山

冉冉光陰豈易留每逢佳節更生愁登高有侶邀君去送
酒無人爲我謀山中無酒惟
煮茗而已石徑嶙峋能健步雲山慘澹

自悲秋烟寒古寺聊堪賞覽勝何須定虎邨古名虎山

次宗翁原韻

蓮幕識詩伯錦囊佳句多曾招神鬼泣堪和管絃歌無限感懷處空餘壯志何深秋頻望月古戍漾金波

宗翁先生見示新詩二章即次原韻奉答

蕭條薄宦獨淹留把玩新詩足遣愁老去誰憐珠玉美饑驅且為稻梁謀雲埋桂影烏啼月屢躓棘木落榆關鴈唳

秋幽興還同年少日借余步履到高邨九日同余登輔山

秋湄見寄新詩一軸兼示短札勉成一律奉答

迢遞雲山一紙書開緘更覺意欬歔寥天葉落悲鴻雁異地風寒寄鯉魚謝女聲華傳隴坂許如感慨念漕廬鹿原

此去同飄泊畢竟何鄉是故閩

示門人李六秀才

李杜光芒萬丈長三百而後獨擅場世上幾人學杜李不得瓊漿得糟糠况我韞才復耄年叨列廣文愧鄭虔不辨郊寒與島瘦那知似鬼與似仙及吾門者咸裹足竊笑昏耄負後賢李生長於村落揚風挖雅性所樂手持芸編來示余乞余丹鉛竝斧削螢窗展閱忽汗顏問道於育能無作強搦秃管重吟哦大醇小疵細斟酌風雲月露點綴工清新俊逸猶未若夙聞漢魏多騷士摘藻投天推蘇李上溯商周重鼎彝下觀唐宋如糠粃諷咏須登大雅堂毋學雕蟲令人鄙昔人曾有云黃河流筆底君家久居河之

淡文思胡不視諸此我今龍鍾惟貪眠青眼高歌望吾子
憶西固翠峯山五首

不遊西固已經年回首林巒思渺然羨煞西來雲一片爲
他曾過翠峯巔

一年最好春秋日偏我遊山冬夏時雨霽雪晴看未足桃
花楓葉惹相思

愛山尤愛翠峯山欲結茅堂傍碧巒偏是寡緣離別易世
間凡事稱心難

登山獨我興偏濃手折松枝作短筇記得城中人似豆我
會身到最高峯

悵望雲山抱悶思重遊未審是何期眼前誰解纏綿意一

幅丹青數首詩

次清化壁上韻

風動園林竹影斜征人騎馬看名花三春雁杳雲中信四
壁燈殘夢裏家渺渺西京鄉漸遠遙遙北闕路猶賒間情
却羨淇園女自把漁竿坐水涯

枝陽客舍重逢郭四靜升

執手還疑夢離愁見更多清癯仍似舊豪興復來過匏繫
憐余老蓬飛奈爾何神交憶疇昔暫會亦蹉跎

修武道中

挾策燕山去長途足壯遊如何春欲暮偏使客生愁鳥嘯
千門雨花明一葉舟清溪不可唾立馬對沙鷗

鶴皋詩鈔附終

金吳林燕賦所春為霖詩對容主怒以

卷之四

謝余未嘗乘亦願論翰文皇御音博會衣漢疏

詩平設長夢精想以夏彩滿映山地書集興其來色詩

詩與容合重正詩回轉

